

Hmong - Tuag Vaajtsvv Ntawv - Free from Death Scriptures

Loo 6:23 Tug kws ua txhum yeej yuav raug kev pluj kev tuag, kuas tug kws nrug peb tug tswv Yexu Kheto koom ua ib txujsa, Vaajtsvv yuav pub txujsa ntev moog ib txhws tsw kawg tsua nwg.

Loo 8:2 Tsua qhov Vaajtsvv tug Ntsuj Plig kws coj peb cov kws nrug Yexu Kheto koom ua ib txujsa lug ua tuabneeg tshab tub daws kuv tej kev txhum hab kuv tej kev pluj kev tuag huvsw lawm.

2 Timaute 1:10 Nwgnuav peb pum txuj koob txuj moov ntawm tsua qhov Yexu Kheto kws yog peb tug Cawmseej tub lug yug tsua huv nplajteb nuav lawm. Nwg rhoav txujkev tuag tug fwjchim hab nwg qha txuj xuv zoo tsua peb, peb txha paub has tas, muaj txujsa kws nyob ntev moog ib txhws tsw kawg.

Yauj 5:2 Yog koj chim heev es ua tsua koj tuag yeej tsw muaj qaabhau le.

Hauxeya 13:14 Kuv yuav tsw paab kuas cov tuabneeg nuav dim tau huv tub tuag teb lug, lossws paab kuas puab dim txujkev tuag tug fwjchim. Txujke tuag koj ca le coj koj tej vej sub vej sw tawm lug lauj. Tub tuag teb koj ca le tso koj tej kev pluj kev tuag tawm lauj. Kuv yuav tsw hhub cov tuabneeg nuav dua le lawm.

Exekhee 37:12,13 Vem le hov mas ca le pav kuv le lug tsua cov Yixayee tas, kuv cov pejxeem kuv kws yog Vaajtsvv Yawmsaub yuav qheb puab tej qhov ntxaa, es muab puab rhu tawm huv puab tej qhov ntxaa lug, hab coj puab rov lug tsua huv Yixayee lub tebchaws. 13 Thaus kws kuv qheb puab lub qhov ntxaa hab rhu puab tawm huv puab lub qhov ntxaa lug, mas puab yuav paub tas kuv yog Yawmsaub.

Mathai 27:52 Tej qhov ntxaa kuj qheb pes hlo, mas cov ntseeg Vaajtsvv kws tuag lawm muaj coob coob txawm caj rov qaab lug.

Chiv Keeb 2:7 Thaus hov Vaajtsvv Yawmsaub muab aav lug puab ua tuabneeg. Vaajtsvv Yawmsaub rau sav rau paa tsua huv tuabneeg lub qhov ntswg tuabneeg txha caj sa.

Chiv Keeb 6:17 Kuv yuav tso dej lug nyaab lub nplajteb nuav kuas ib puas tsaav yaam kws muaj sa tuag taag huvsw.

Chiv Keeb 7:15 ib yaam ib nkawg, puav leej nrug Nau-e puab moog nyob huv lub nkoy lawv le Vaajtsvv has.

Chiv Keeb 7:21/22 Ib puas tsaav yaam muaj txujsa kws nyob huv nplajteb nuav tsw has naag noog kaab ntsaum, tsaj nyeg tsaj quas hab tuabneeg puav leej raug dej nyaab tuag taag huvsw.

Cov Tubkhai Teg Num 17:25 Vaajtsvv tsw pluag ib yaam daabtsw le, nwg yeej tsw kuas leejtwg ua ib yaam daabtsw pub tsua nwg. Tsua qhov Vaajtsvv yog tug kws pub txujsa tsua tuabneeg ua tau paa, hab pub ib

puas tsaav yaam tsua suavdawg.

Qha Tshwm 13:15 Luas ca tug tsaj kws ob rau tau sav tau paa tsua tug nam txoov daab kws tug yaam ntxwv zoo le thawj tug tsaj, mas nam txoov daab hov txawm has tau lug, hab txawj moog muab cov tuabneeg kws tsw kaam pe nam txoov daab tua pov tseg.

Yauhaa 10:10 Thaus tub saab tuaj tub saab tsuas tuaj nyag tuaj tua hab ua kuas puam tsuaj xwb. Kuas kuv lug yog lug ua kuas suavdawg tau txuja ntev moog ib txhws tsw kawg.

Yaxaya 28:15 Mej khaav has tas mej tub nrug txujkev tuag hab tub tuag teb has hum lawm. Mas mej tso sab has tas thaus txujkev puam tsuaj lug los mej yuav tsw tuag, vem yog mej vaam khom kev daag ntxag tsom kwm mej lawm.

Yau-ee 1:12 Tej txwv maab qhuav nkig quas nkuav, tej txwv cua ntsws quas ntsee, ib puas tsaav yaam txwv ntoo puav leej qhuav taag huvsw, kev xyiv faab pluj taag lawm, suavdawg nyob ntxhuv sab quas ntsuav.

Hauxeya 13:15 Txawm yog cov Yixayee yuav vaam meej hlub mog quas nyoos yaam nkaus le tej nroj tsuag los xwjpeem, kuv yuav tso tej cua kub kws nyob saab nub tuaj ntsawj tom ntuj nraag teb cis dos tuaj. Tej cua hov yuav ua tsua tej qhov dej cag qhuav taag nrho. Cua yuav ntsawj ib puas tsaav yaam kws muaj nqes moog huvsw.

Qha Tshwm 22:1 Tug tubkhai sau ntuj qha tug dej kws pub txuja tsua kuv. Tug dej ntawm ntshab ib yaam le tej av kws pum kev tshaab plhawv, hab yog ndwg sau Vaajtsvv hab tug mivnyuas yaaj lub zwm txwv lug,

Yauhaa 4:10 Yexu teb nwg has tas, yog koj paub yaam kws Vaajtsvv yuav pub tsua koj, hab paub has tas, tug kws thov koj dej haus yog leejtwg, tes koj yeej yuav xub thov nwg, nwg yuav pub cov dej kws cawm txuja tsua koj haus.

Yauhaa 4:14 Kuas tug kws haus cov dej kws kuv yuav pub tsua nwg, tug hov yuav tsw nqhes ib txhws le lawm. Cov dej kws kuv pub tsua nwg yuav txhawv huv nwg lub sab, hab yuav cawm nwg txuja moog ib txhws.

Paaj Lug 13:14 Cov tuabneeg txawj ntse tej lug qha, zoo yaam nkaus le qhov dej txhaw cawm txuja. Thaus txhawj kev ntshai, tej lug hov yuav paab tau kuas yug dim sai.

Paaj Lug 14:27 The fear of the LORD is a fountain of life, to depart from the snares of death.

Exekhee 13:17-23 God restores the soul of His people

Yelemi 21:8 - 2 Kevcai 30:15 Nub nua kuv ca mej xaiv saib mej yuav yuav kev vaam meej hab txuja los yuav yuav kev puam tsuaj hab kev pluj kev tuag.

Ntawv Nkauj 9:13 - 107:18 Puab dhuav mov kawg le puab tub tsw kaam saib hlo le, puab tub yuav tuag tag.

Ntawv Nkauj 16:10 tsua qhov koj tiv thaiv kuv, tsw pub raug kev pluj kev tuag, hab koj yuav tsw tso tug kws koj hlub moog tsua huv tub tuag teb.

Ntawv Nkauj 23:4 Txawm yog kuv taug txujkev kws tsaus quas nti los kuv tub tsw ntaus sab yau le, vem yog Yawmsaub nrug nraim kuv. Yawmsaub koj tug paas nreg hab tug qws tsom kwm kuv.

Ntawv Nkauj 102:19,20 Sau ca tas Yawmsaub tsaa muag saib sau nwg lub chaw sab kws zoo kawg nkaus tuaj, nwg tuaj sau ntuj saib tsua huv nplajteb. 20 Nwg nov cov kws poob cev qhev ntsaaj mas nwg tso cov kws yuav raug tuag kuas dim,

Ntawv Nkauj 116:3,4,8 Kev pluj kev tuag nyob puag ncig kuv, thaus ncu txug lub qhov tuag kuv lwj sab quas ntsuav, kuv ntshai qos rwg hab nyob nluag quas nlob tu sab kawg. 4 Thaus hov kuv txha le tsaa ncauj thov Yawmsaub has tas, Yawmsaub, thov koj paab cawm kuas kuv dim kev pluj kev tuag. 8 Yawmsaub paab kuv dim kev pluj kev tuag, nwg so hlo kuv lub kua muag hab paab tsw kheev kuv swb,

Paaj Lug 10:2 - 12:28 Thaus hov mej yuav tsaa ncauj hu kuv paab, kuas kuv yuav tsw teb mej. Mej yuav nrhav kuv tsua txhua txuj ke, kuas yuav tsw pum kuv nyob hov twg.

Yaxaya 26:19 - Qha Tshwm Dej hav txwv xaa tej tuabneeg kws tuag tsua huv hav txwv rov qaab lug. Txujkev tuag hab tub tuag teb kuj xaa cov tuabneeg tuag rov qaab lug ib yaam nkaus. Luas teem txem tsua txhua tug lawv le tej num kws puab tau ua lug lawm.

Yauhaa 5:28,29 Mej tsw xob poob sab tsua tej lug kws kuv has nuav, vem tub yuav txug nub kws cov tuabneeg tuag tsua huv nruab deg nruab aa lawm nov Vaajtswv tug tub lub suab hu, 29 txhua tug yuav tawm huv qhov tuag rov qaab lug. Vaajtswv yuav tsaa cov tuabneeg kws ua zoo hab cov kws ua phem huv tuab sw sawv rov qaab lug. Cov tuabneeg kws ua zoo yuav sawv lug tau txuja ntev moog ib txhws tsw kawg, kuas cov tuabneeg kws ua phem yuav sawv lug raug txem.

Yauhaa 10:28 Kuv muab txuja ntev moog ib txhws tsw kawg tsua puab. Puab yuav tsw tuag le. Hab tsw muaj leejtwg yuav txeeb tau puab huv kuv txhais teg moog.

Yauhaa 11:43,44 Thaus Yexu has le hov taag Yexu txawm hu nrov nrov has tas, Laxalau, koj ca le tawm lug. 44 Tug tuag txawm tawm lug. Muaj nrhoob qhwv nwg teg nwg taw, hab muaj ib daim ntaub npug nwg lub plhu. Yexu has tsua puab has tas, mej ca le daws tej nrhoob kws qhwv nwg pov tseg, es ca nwg moog.

Yauhaa 12:17 Cov tuabneeg kws pum Yexu tsaa Laxalau sawv huv qhov tuag hab nov Yexu hu Laxalau tawm huv qhov ntxaa lug tub xub pav tej kws puab pum hab puab nov tsua suavdawg noog lawm.

Yauhaa 17:2 Tsua qhov koj tub tsaa leej tub ua tug kws muaj fwjchim luij dua tej tuabneeg huvsw. Mas leej tub txha pub tau txuja ntev moog ib

txhws tsw kawg tsua txhua tug kws koj muab tsua nwg.

1 Kauleethau 15:19-26 **Yog qhov kws peb vaam Yexu Kheto tsuas paab tau thaus peb tseem ua neej nyob xwb, tes peb yimfuab yuav txom nyem heev dua le tej tuabneeg kws nyob huv nplajteb nuav huvsw. 20 Kuas qhov tseeb Vaajtsvv tub tsaa Yexu Kheto sawv huv qhov tuag rov lug lawm. Vaajtsvv ua le ntawm kuas suavdawg paub tseeb has tas, Vaajtsvv yuav tsaa cov tuabneeg kws tuag lawm sawv rov lug hab. 21 Tub yog vem muaj ib tug ua txhum suavdawg txha le raug kev pluj kev tuag. Hab tub yog vem ib tug sawv huv qhov tuag rov lug lawm, suavdawg txha le sawv tau ib yaam nkaus le tug ntawm. 22 Suavdawg muaj kev pluj kev tuag tsua qhov suavdawg yog Ataa le roj ntshaa. Ib yaam nkaus le hov suavdawg yuav tau sawv huv qhov tuag rov lug, tsua qhov suavdawg nrug Yexu Kheto koom ua ib txujsa. 23 Tej hov yuav muaj ib yaam ib yaam zuij quas zug. Yexu Kheto yog tug kws xub sawv ua ntej, mas thaus Yexu Kheto rov lug cov kws ntseeg le maav sawv. 24 Dhau hov ntawm yog lub swmhawm kawg. Yexu Kheto yuav txu txhua tug fwjchim kws kaav huv qaab ntuj nuav tsw has tuabneeg le hab daab le huvsw. Nwg yuav muab ib puas tsaav yaam fwjchim hov tso tsua Vaajtsvv kws yog nwg. txwv tuav taag nrho huvsw. 25 Tsua qhov Yexu Kheto yeej yuav kaav moog txug thaus Vaajtsvv muab ib puas tsaav yaam yeeb ncuab huvsw tsua Yexu Kheto tsuj. 26 Txujkev tuag yog tug yeeb ncuab kws thaus kawg Vaajtsvv yuav muab rhuav pov tseg.**

2 Kauleethau 1:9,10 **Thaus hov peb zoo le cov tuabneeg muaj txem kws luas yuav caab moog tua pov tseg. Vaajtsvv ca peb raug kev txom nyem le ntawm sub peb txha tsw xob ca sab tsua peb tug tswvyim, ais kuas peb ca sab tsua Vaajtsvv kws tsaa tau cov tuabneeg tuag sawv rov lug. 10 Nwg paab peb dim txujkev tuag kws txaus ntshai kawg le. Nwg yeej yuav rov paab peb hab. Peb ca sab has tas, nwg tseem yuav paab peb lawm yaav tom hauv ntej hab,**

2 Kauleethau 3:6 **Tug kws ca Yexu Kheto kaav nwg huvsw lawm, mas nwg tsw muaj nplooj sab kws ua txhum. Kuas tug kws tseem muaj nplooj sab ua txhum, yog nwg yeej tsw tau pum hab tsw tau paub Yexu Kheto hlo le.**

Kaulauxai 1:21,22 **Yaav tom ntej mej ua tsw hum Vaajtsvv sab, mej ua yeeb ncuab tsua Vaajtsvv, tsua qhov mej nyam ua phem tsw has tej kws mej ua hab tej kws mej xaav los puav leej phem huvsw. 22 Kuas nwgnuav qhov kws mej tau nrug Vaajtsvv sws raug zoo, tub yog vein Vaajtsvv tug tub lub cev raug kev tuag txhwv mej. Vaajtsvv khaiv Vaajtsvv tug tub lug tuag txhwv mej, tsua qhov Vaajtsvv xaav kuas mej ua tau tuabneeg zoo kawg nkaus tsw muaj ib qho txhum le tsua thaus mej moog nyob ntawm Vaajtsvv lub xub ndag.**

Heplais 2:9 **Kuas peb pum Yexu. Vaajtsvv ca Yexu muaj fwjchim yau dua cov tubkhai sau ntuj ib nyuas ntu. Vaajtsvv ua le ntawm tsua qhov**

Vaajtsvv kws hhub suavdawg yuav khaiv Yexu lug tuag theej suavdawg. Nwgnuav peb pum Yexu muaj fwjchim ci ntsaa quas ab hab nwg tau koob meej tsua qhov nwg raug kev tuag txom nyem quas ntsuav.

Heplais 2:14,15 Vem cov mivnyuas ntawm puav leej yog tuabneeg muaj roj ntshaa, yog le ntawm Yexu txha le lug yug ua tuabneeg muaj roj ntshaa ib yaam le puab. Nwg ua le hov mas nwg txujkev tuag txha le rhuav tau Daab Ntxwg Nyoog tug fwjchim kws ua kuas tuabneeg tuag puam tsuaj moog, 15 hab tso tau cov tuabneeg kws ib txwm pheej ntshai kev pluj kev tuag kuas dim.

Heplais 11:5 Tub yog vem Enauj ntseeg, Enauj txha tsw tuag. Vaajtsvv coj nwg moog, tsw muaj leejtwg nrhav tau nwg tsua qhov Vaajtsvv tub coj nwg moog lawm. Muaj lug sau ca tsua huv Vaajtsvv phoo ntawv has tas, thaus Vaajtsvv tseem tsw tau coj Enauj moog, mas Enauj ua hum Vaajtsvv sab.

1 Pestus 3:18 Tsua qhov Yexu Khetu tuag tuab zag xwb txhwv tau mej lub txem lawm. Nwg yog tug ncaaj nceeg, nwg tuag txhwv cov kws tsw ncaaj. Nwg ua le ntawm nwg txha coj tau mej moog cuag Vaajtsvv. Puab muab nwg lub cev tua pov tseg, kuas Vaajtsvv tub tsaa nwg tug Ntsuj Plig sawv rov lug lawm.

2 Pestus 1:3 Vaajtsvv kws muaj fwjchim pub ib puas tsaav yaam zoo tsua peb kuas peb ua tau hum nwg sab. Nwg ua le hov tsua qhov peb paub tug kws hu peb lug koom nwg tug fwjchim, hab paab kuas peb ua tau tuabneeg ncaaj nceeg ib yaam le nwg.

1 Yauhaa 3:14 Peb paub has tas, peb tub dim txujkev tuag lawm, nwgnuav peb muaj txuja tshab. Peb paub le nuav tsua qhov peb muaj sab hhub peb cov kwvtij. Tug kws tsw hhub lwm tug, kuj ib yaam le yog nwg tuag lawm.

1 Yauhaa 5:11 Lu lug ntawm has tas, Vaajtsvv tub pub txuja ntev moog ib txhws tsw kawg tsua peb txhua tug kws.nrug Vaajtsvv tug tub sws raug zoo lawm.

Qha Tshwm 21:6 Hab nwg has tsua kuv has tas, tav taag lawm lauj. Kuv yog Alafa hab yog Aumekha, yog lub hauv paug hab yog lub ntsws. Kuv yuav pub cov dej kws pub kuas muaj txuja huv lub qhov dej txhawv tsua txhua tug kws nqhes dej haus, kuv pub dawb dawb xwb tsw yuav nqe daabtsvw le.